

## **Haiththa Haçi Homdé Bari Góror Bebestá**

Kansas or doóine arde fosíme, háasgori fissán fissán manúic ar bicí femli fúañti gór bocóti gore. Ar zodi honíkka ottu KOVID-19 biaram or alaamot óile, héfazoti alok taka yáto nize górot ekála tákibar bebestá óit nofaré.

Finni Elakar (Finney County) maze, Kansas or Sehét ar Foribéc Difarmén (Kansas Department of Health and Environment), Kansas or Fua ar Fémli ókkolór Difarmén (Kansas Department of Children and Families) arde elakayi awam sehét or difarmén (public health department) loi Kansas Elakar Emarjensi Entezamiya (Kansa Division of Emergency Management) miliyoré haiththa haçi homdé bari góror bebestá goijjé. Honíkka óttu KOVID-19 biaram or alaamot óiye yáto fakka goijjá biaraimma ókkol ekzoinna bebaár goríbélla sóulot iín faibó. Sóulot iín ot hana, istiri gora, forickar gorar dhoilla zorurot or ciz arde oinno késsu dorhar óile modot goríbélla menéjar ekzon bebestá ase.

Zodi tuáñr héfazoti alok taka yáto nize górot ekála tákibar bebestá noóile, arde bari góror zorurot óile, meérbaniGORí Finni Elaka Emarjensi Entezamiya (Finney County Emergency Management) loi 620-272-3746 yáto 620-521-2261 ot kól diyó.